





光緒四年重脩

彭縣志

文  
藏  
版



重修彭縣志卷首

序

從古司牧之責首在安民安民之方莫先富教而所以富之教之者則詳具於志書蓋志之所載若疆域若土田若戶口若政事若人文一展卷而瞭然其閒或援古以證今或隨俗以立制或因地以制宜參伍錯綜神明而變化之所以佐出治之資者非一端志之繫於富教不綦重



哉彭縣在府西北九十里始爲郡繼爲州九峯  
高峙濛水長流王子安稱爲天帝會昌之國英  
靈秀出之鄉嚮無志垂嘉慶癸酉王令鍾鈞肇  
修以應檄取余於丁丑冬承閒邁之下車之始  
稽圖問俗小吏以冊進繙閱一過見其淵雅淹  
通稱引繁博亦藝林翹楚一惟事創成促不無  
盜墩爭尹之嫌如指錢鏗封國於天彭范蠡昇  
仙於九隴夷王乃羌酋誤作周夷王君平葬唐



昌列於陵墓志其他政績藝文收摺旣疎附會  
尤甚然網羅散佚以待後人使一邑掌故不與  
野馬塵埃同歸消滅厥功亦偉矣會大府續

修全省通志檄下各郡縣賫志備採乃延邑孝

廉呂君

調陽

秉筆向張周向諸君勸其事爰語

之曰邑之有志所以徵實也盛衰倚伏之故於  
是焉考非徒鋪張揚厲侈耳目之觀而已酌古  
以爲富信心不尙奢諸君子其留意焉局設署



內之簷簷亭余於簿書之暇時爲剖校凡五閱  
月而書成類爲七門釐爲十二卷準史例覈實  
跡僞訛者正之闕失者補之庶足以信今而傳  
後乎余不知後之覽者視前志何若而不濫不  
違以記事則法戒昭以纂言則文采著以稽人  
物則臧否明以考水利辨土宜則源流晰而種  
植備或亦富教之助云光緒四年歲次戊寅十  
二月知彭縣事善化張龍甲撰



序

天下何者爲難事哉率吾意行之吾之意未必  
合於聖賢之意天地之心所如往往多阻率吾  
性行之乃至與道大適亦與事大當然後知大  
公至正之果可以達乎天下而一切者不足言  
也庚辰秒秋予捧檄天彭以素性迂拙又不習  
吏事而巖壘百里舊號難治愛我者方爲我危  
下車三月諸稷化者雖未盡格心顧較前頗稱



安靜而一切興利除弊所謂不易成之事皆粗  
就緒是固邑人士之急公亦疑予之拙有以致  
之蓋不忍與拙者違故事不留也會除歲志書  
局士某等以刻志旣竣請序於予具道兩載以  
來今始有成之意予辭曰陋不獲輒書此與之  
署縣事秀水盛時彥



舊序

志史之流也古者周官小史掌邦國之志太史以輶軒觀十五國之風謠是卽志之始也司馬子長以八書立灋班掾廣之爲十志志之所昉分類起義有國志有郡志有邑志雖其志不同而其紀述則一蓋志之爲言識也考疆索之式廓記山川之流峙辨風土人情之異同紀民庶物產之繁殖與夫廢置沿建之不常扼塞險要



之當備莫不州次部居條分縷析且片善必書寸長必錄卽傭夫販婦之賤一節可取在所不棄所以宣教化而示勸懲一道德而同風俗志之所係豈不大哉乃事欲其博文欲其該而世遠年湮編殘簡斷文獻兩無可徵何以酌古準今以垂永久則剏始之難倍於因襲如彭邑之志是已考彭邑爲古繁縣地昔者置郡置州代有因革而天彭井絡素稱奧區羣峯萃嶺巨壑



激湍繡壤相錯玉河潌洞控松龍障都會十緊  
六雄久推扼要是形勢之雄勝山川之奇秀可  
見也地近元亭人多雋異化行石室士知禮讓  
閨襜勵節塾郇談經其風俗之淳厚人物之瓌  
偉又可見也邑號小鄆產多嘉種綠葉朱榮熙  
天耀日正不僅牡丹有譜競麗爭奇則其壤地  
之沃饒物產之繁富又可見也生際

朝德威遠播民物恬熙禮意風猷樂情膏潤其所



以軒

皇風而昭文治者雖在一邑烏可以無志哉余以謫  
陋承閒造乏下車之始省民俗稽版圖求所以  
載一邑之掌故者前此無聞焉不禁慨然興歎  
恐千百年之典章文物竟至湮沒不彰久有志  
纂輯以見聞櫛昧未敢削簡歲在辛未大府請  
於

朝續修全省通志檄下各郡縣各賫志以備採擇



欣然載筆可以償夙昔之願旁搜博采薈萃羣  
書二十二史以外若常璩華陽國志李吉甫元  
和郡縣志樂史太平寰宇記王存元豐九域志  
楊慎全蜀藝文志曹學佺蜀中名勝志靡不詳  
考至史所不載則求之古人之文集近事則徵  
諸邑中之俊髦而其義例以

大清一統志爲宗櫛比鱗次分門四十有二各以類  
從雖樸陋無文亦綿葺習禮之意也至於辨五



土之宜羅千載之事合史家志傳之體彬彬乎  
質有其文窾啟寡聞識有未逮是所望於後之  
博物君子焉

嘉慶十有八年歲在癸酉十月知彭縣事嘉善  
王鍾鈞撰



纂修姓氏

總纂

署

協纂

彭

舉

分纂

舉

舉

彭

縣

縣

訓

事張龍甲

楚珩善  
化人

導龔世瑩

文坡榮  
縣人

人呂調陽

竹廬

人向堯階

莫生印  
選知縣

人張鵬

松巖大  
挑二等



舉

人向迪明

葵齋大挑一等

舉

人周

磐

小恂大挑一等

總校

舉

人徐培基

肯堂

拔

貢

生徐增榮

益樓

歲

貢

生何文敏

曉山

分校

歲

貢

生魏錫祺

歲

貢

生楊汁衣